

RESOLUCIÓN REITORAL DE 13 DE MAIO DE 2021 POLA QUE SE PUBLICA A CONVOCATORIA PARA A ACTUALIZACIÓN DE LISTAXES DE ACREDITADOS CONTEMPLADAS NO PLAN DE PROMOCIÓN A PROFESOR/A TITULAR E CATEDRÁTICO/A NA UNIVERSIDADE DE VIGO

O Consello de Goberno na súa sesión de 20 de marzo de 2019, acordou aprobar o Plan de Promoción a Profesor/a Titular e Catedrático/a na Universidade de Vigo, onde se fixa un conxunto de medidas de promoción coa finalidade de regular os criterios que determinen a orde de saída a concurso das prazas destinadas a acceder ao funcionariado nos corpos docentes da Universidade de Vigo mediante a súa convocatoria nas correspondentes Ofertas de Emprego Público. Entre elas, establécese como procedemento para articular o dereito á promoción do profesorado a tempo completo a prazas de funcionarios nos corpos docentes universitarios, a elaboración de senllas listaxes de acreditados, nas que se incluírá aquel profesorado que o solicite e que cumpra os requisitos establecidos en dito plan.

Neste Plan de Promoción no apartado “IV. Medidas previstas e cronograma de implantación”, no punto 4., “*As listaxes de acreditados actualizaranse anualmente. Para iso, a Universidade de Vigo, establecerá unha convocatoria anual na que o profesorado que se atope en situación de promocionar segundo os casos contemplados no apartado II e non estea incluído xa na listaxe, poderá solicitar a súa incorporación á mesma. Unha vez finalizada dita convocatoria, os solicitantes serán incluídos ao final da listaxe correspondente, ordenados entre eles segundo os criterios definidos no punto 2 do presente apartado. O profesorado incluído nas listaxes de acreditados poderá solicitar ser eliminado das mesmas en calquera momento.*”

Por todo isto, esta reitoría RESOLVE,

Facer pública a convocatoria para a actualización das devanditas listaxes de acreditados no taboleiro electrónico e na páxina web da Universidade de Vigo a través do repositorio de convocatorias, de acordo ás seguintes BASES:

1) Obxectivo:

O obxectivo da presente convocatoria é a actualización de dúas listaxes de profesorado a tempo completo acreditado (unha cos acreditados ao corpo de profesorado Titular de Universidade e outra cos acreditados a Catedrático/a de Universidade), que se farán públicas, e nas que se incluírán o profesorado que cumpra os requisitos que se relacionan no plan de promoción e nesta convocatoria, e solicite estar incluído nelas.

A Universidade de Vigo utilizará estas listaxes para determinar as prazas concretas a convocar ao corpo de profesorado Titular de Universidade e de Catedrático/a de Universidade. Así, unha vez fixado o número de prazas a convocar para cada un dos corpos docentes, utilizarase a lista correspondente como orde de prelación para determinar as áreas de coñecemento nas que procederá a convocatoria de ditas prazas.

2) Requisitos dos solicitantes:

As persoas que soliciten a súa inclusión nas listaxes deberán reunir os seguintes requisitos na data de finalización de presentación de solicitudes:

a) Para Catedrático/a de Universidade:

- Pertencer ao corpo de profesorado Titular de Universidade, con dedicación a tempo completo, e tendo prestado, como mínimo, dous anos de servizos efectivos baixo dita condición (artigo 62.2 da LOU).
- Estar en posesión da correspondente acreditación para o acceso ao corpo de Catedrático/a de universidade expedido pola ANECA.



b) Para profesorado Titular de Universidade:

- Estar contratado pola Universidade de Vigo a tempo completo como profesorado Titular de Universidade Interino, profesorado Contratado Doutor (permanente ou interino) ou profesorado Axudante Doutor.
- Estar en posesión da correspondente acreditación para o acceso ao corpo de profesorado Titular de Universidade expedido pola ANECA.

c) Non estar incluídos nas listaxes definitivas de acreditados publicadas na Resolución Reitoral de 1 de outubro de 2020.

d) Para as prazas reservadas para a cota de persoas con discapacidade, deben estar en posesión do certificado de grao de discapacidade.

3) Formalización das solicitudes. Lugar e prazo de presentación:

As solicitudes (anexo da RR de 13/05/21) xunto coa documentación xustificativa dos requisitos relacionados no punto 2), presentaranse na **sede electrónica** da Universidade de Vigo (<https://sede.uvigo.gal>) a través do procedemento “*Convocatoria para a inclusión nas listaxes de acreditados*”

O prazo de presentación de solicitudes finaliza o **4 de xuño de 2021**.

5) Criterios de ordenación e procedemento:

As solicitudes recibidas na vicerreitoría que cumpran os requisitos do punto 2) desta convocatoria, incluíranse na correspondente listaxe de acreditados, as cales determinarán a orde de convocatoria de prazas de Catedrático/a de Universidade e de profesorado Titular de Universidade, segundo as medidas previstas e os criterios establecidos no apartado IV do Plan de promoción a profesor/a Titular e a Catedrático/a na Universidade de Vigo aprobado no Consello de Goberno de 20 de marzo de 2019.

O profesorado incluído nas listaxes de acreditados poderá solicitar ser eliminado das mesmas en calquera momento.

Así mesmo, se en calquera momento do procedemento, algunha das persoas solicitantes non reúne os requisitos establecidos nesta convocatoria e fose de coñecemento da vicerreitoría de Ordenación Académica e Profesorado, o Reitor acordará a súa exclusión, previa audiencia da persoa interesada e sen prexuízo da responsabilidade na que puidese incurrir.

6) Publicación das listas:

As listaxes actualizadas segundo o indicado no punto anterior, publicaranse no taboleiro electrónico e na páxina web institucional da Universidade de Vigo, e notificarase a súa publicación a través das listaxes de avisos, servindo de notificación para todos os efectos, de acordo co previsto na Lei 39/2015 do Procedemento Administrativo Común das Administracións Públicas.

7) Protección de datos:

De acordo co disposto no artigo 13 do Regulamento UE 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos e co disposto no artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais, os datos facilitados na solicitude serán tratados baixo a responsabilidade da Universidade de Vigo, coa finalidade de xestionar a tramitación deste procedemento selectivo e amparados pola Lei 2/2015, do 29 de abril, do emprego público de Galicia, a Lei orgánica 6/2001, do 21 de decembro, de universidades, e os estatutos da Universidade de Vigo.



Coa súa participación nesta convocatoria as persoas interesadas autorizan á Universidade de Vigo para a publicación dos seus datos, de acordo cos principios de publicidade e transparencia, cando así derive da natureza desta convocatoria. Non obstante e co fin de previr riscos para a publicidade de datos persoais de vítimas de violencia de xénero, a persoa afectada comunicará esta circunstancia coa maior celeridade á Unidade de Igualdade da Universidade de Vigo (986 81 34 19 e igualdade@uvigo.es).

Estes datos trátanse durante o tempo imprescindible para cumprir coa citada finalidade e conservanse durante o prazo necesario para determinar as posibles responsabilidades que puidesen derivar da dita finalidade e do tratamento dos datos.

As persoas participantes están obrigadas a facilitar estes datos en virtude do especificado nos parágrafos anteriores e, en caso de non facelo, serán excluídas do proceso selectivo.

As persoas participantes teñen dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento, así como a oporse ao devandito tratamento e a solicitar, agás casos de interese público e/ou exercicio de poderes públicos, a portabilidade dos seus datos.

Estes dereitos poderán exercerse mediante solicitude dirixida ao reitor da Universidade de Vigo no rexistro da Universidade de Vigo, ou en calquera dos rexistros indicados no artigo 16 da LPACAP e remitida á Secretaría Xeral da Universidade de Vigo, Campus universitario As Lagoas-Marcosende, 36310 Vigo (Pontevedra). Máis información: <https://www.uvigo.gal/proteccion-datos>.

Igualmente, pode dirixir a dita solicitude directamente á delegada de protección de datos do responsable cuxa identidade e datos de contacto son Ana Garriga Domínguez, Facultade de Dereito, Campus Universitario As Lagoas s/n, 32004 Ourense (España). Teléfono: 988 36 88 34. Enderezo electrónico: dpd@uvigo.gal.

Contra esta resolución, que esgota a vía administrativa, poderase interpoñer recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na Lei 29/1998, do 13 de xullo, reguladora da xurisdición contencioso administrativa.

As persoas interesadas poderán optar por interpoñer contra esta resolución recurso de reposición, no prazo dun mes contados a partir do día seguinte á publicación da presente resolución, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da lei 39/2015, de 1 de outubro, do Procedemento Administrativo Común das Administracións Públicas.

Asinado dixitalmente en Vigo

O reitor

P.D. (RR. 26/05/20, DOG do 04/06/20)

O Vicerreitor de Ordenación Académica e Profesorado

Manuel Ramos Cabrer

